



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### თვალჭრელიძეიტი

თვალჭრელიძეიტი (სახელი ეწოდა ა. ა. თვალჭრელიძის პატივსაცემად), სულფიდების კლასის მინერალი. ქიმ. შედგენილობა  $Hg_{12}(Sb, As)_8 S_{15}$ . კრისტალდება მონოკლინურ სინგონიაში. გვხვდება ტყვიისებრ-ნაცრისფერი მარცვლოვანი აგრეგატების სახით. აქვს ალმასისებრი ელვარება. ახასიათებს ტკეჩადობა ერთი მიმართულებით. სისალე (სიმაგრე) მინერალოგიური სკალით 3-მდე; სიმკვრივე – 7380 კგ/მ<sup>3</sup> წარმოიქმნება ჰიდროთერმული გზით. აღმოჩენილია გომის (ზემო რაჭა) დარიშხანა-ანტიმონიუმ-ვერცხლისწყლის საბადოში.

ლიტ.: Доклады АН СССР, 1975, т. 225, №4

**ვ. ჯავრიშვილი**

---